



Broj: 01-04-5-6409 /25  
Sarajevo, 27.05.2025. godine

U skladu sa članom 70. Zakona o javnim nabavkama BiH ("Sl. glasnik BiH", br. 39/14, 59/22 i 50/24), Zapisnikom o pregledu i ocjeni ponuda, broj: 08-11-15-5684/25 od 07.05.2025. godine i Preporukom Komisije za javne nabavke, broj: 08-11-15-5684-1/25 od 07.05.2025. godine, a na osnovu člana 18. stav 1. Pravilnika o javnim nabavkama Fonda za profesionalnu rehabilitaciju i zapošljavanje osoba sa invaliditetom, broj: 01-02-2-10558/24 od 11.09.2024. godine, Upravni odbor Fonda za profesionalnu rehabilitaciju i zapošljavanje osoba sa invaliditetom na 68. sjednici održanoj dana 27.05.2025. godine d o n o s i

## O D L U K U

### o izboru najpovoljnijeg ponuđača „Kristal“ d.o.o. Sarajevo

#### I

Prihvata se Preporuka Komisije za nabavku, broj: 08-11-15-5684-1/25 od 07.05.2025. godine u postupku nabavke usluga preseljenja putem konkurentskog postupka za dostavu ponuda i Ugovor za javnu nabavku dodjeljuje se **ponuđaču „Kristal“ d.o.o. Sarajevo, ul. Džemala Bijedića 135, ponuda br. 2**, dostavljena dana 25.04.2025. godine, za ponuđenu cijenu nakon završenog postupka e-aukcije u iznosu od 25.200,00 KM (bez PDV-a), kao najpovoljnijem ponuđaču.

#### II

Izabrani ponuđač nije dužan u roku od 5 (pet) dana od dana dostavljanja ove Odluke dostaviti originale ili ovjerene kopije dokumentacije iz člana 45. Zakona o javnim nabavkama, pobliže navedeno u tački 3.1. Tenderske dokumentacije, obzirom da je navedeno dostavljeno u sklopu ponude.

#### III

Izabrani ponuđač je dužan u roku od 5 (pet) dana od dana dostavljanja ove Odluke dostaviti novi Obrazac za cijenu ponude, a koji sadrži smanjenje cijene iz e-Aukcije.

#### IV

Prijedlog Ugovora o javnoj nabavci dostavit će se na potpis izabranom ponuđaču po isteku roka od 15 (petnaest) dana, računajući od dana kada svi ponuđači koji su učestvovali u predmetnom postupku nabavke budu obaviješteni o izboru najpovoljnijeg ponuđača.

#### V

Ova Odluka stupa na snagu danom donošenja i objavit će se na internet stranici Fonda, istovremeno s upućivanjem iste svim ponuđačima koji su učestvovali u predmetnom postupku javne nabavke, u skladu sa članom 70. stav. 6. Zakona o javnim nabavkama.

## OBRAZLOŽENJE

Postupak javne nabavke je pokrenut Odlukom o pokretanju konkurentskog postupka javne nabavke broj: 01-04-5-3872/25 od 26.03.2025. godine. Javna nabavka je provedena putem konkurentskog postupka. Procijenjena vrijednost nabavke iznosi 38.000,00 KM (bez PDV-a).

Tendersku dokumentaciju je preuzelo dvanaest (12) privredna subjekta, a tri (3) ponuđača su dostavila ponude u predmetnom postupku nabavke. Neblagovremenih ponuda nije bilo.

Ponude su dostavili sljedeći ponuđači:

| Redni broj | Naziv i sjedište ponuđača                                  |
|------------|------------------------------------------------------------|
| 1.         | SHS Kaćuni d.o.o. Busovača, ul. Bukovci bb, Busovača       |
| 2.         | Kristal d.o.o Sarajevo, ul. Džemala Bijedića 135, Sarajevo |
| 3.         | Interlogistic d.o.o Sarajevo, ul. Pijačna 14 a, Sarajevo   |

Komisija za javne nabavke imenovana Odlukom broj: 01-04-5-3873/25 od 26.03.2025. godine je izvršila pregled i ocjenu ponuda, te konstatovala da su zaprimljene ponude ponuđača „Kristal d.o.o. Sarajevo i „Interlogistic“ d.o.o Sarajevo prihvatljive, a da je ponuda ponuđača „SHS Kaćuni“ d.o.o. Busovača neprihvatljiva.

Ponuda ponuđača „SHS Kaćuni“ d.o.o. Busovača je neprihvatljiva iz razloga što je Komisija pregledom i analizom dokumentacije utvrdila da ponuđač ne ispunjava kriterij za kvalifikaciju, odnosno uvidom u dostavljeni aktuelni izvod iz sudskog registra, Komisija je konstatovala da ponuđač ne posjeduje šifru djelatnosti subjekta koja je u vezi sa predmetom nabavke.

Šifra djelatnosti koju je potrebno da ponuđač posjeduje kako bi ispunio kriterij za kvalifikaciju, a koja je u vezi sa predmetom nabavke je 49.42 (usluga preseljenja).

E-aukcija je održana 05.05.2025. godine u 11:00 sati u trajanju od 56 minuta. Ista je provedena putem portala [www.ejn.gov.ba](http://www.ejn.gov.ba), i to u skladu sa Pravilnikom o uslovima i načinu korištenja e-Aukcije („Službeni glasnik BiH“, broj 80/23) i Uputstvom o uslovima i načinu objavljivanja obavještenja i dostavljanja izvještaja o postupcima javnih nabavki na portalu javnih nabavki („Službeni glasnik BiH“, broj: 80/22).

Konačna rang lista ponuđača koji su učestvovali u e-Aukciji:

| Redni broj | Naziv i sjedište ponuđača                                  | IDB/JIB       | Konačna cijena u KM bez PDV-a | Umanjenje cijene | Rang |
|------------|------------------------------------------------------------|---------------|-------------------------------|------------------|------|
| 1.         | Kristal d.o.o Sarajevo, ul. Džemala Bijedića 135, Sarajevo | 4200033750009 | 25.200,00 KM                  | 33,68 %          | 1    |
| 2.         | Interlogistic d.o.o Sarajevo, ul. Pijačna 14 a, Sarajevo   | 4202085540005 | 27.990,00 KM                  | 26,32 %          | 2    |

Nakon izvršenog pregleda i ocjene ponuda, Komisija je dostavila Upravnom odboru Fonda za profesionalnu rehabilitaciju i zapošljavanje osoba sa invaliditetom Preporuku broj: 08-11-15-5684-1/25 od 07.05.2025. godine o izboru ponuđača „Kristal“ d.o.o. Sarajevo, ul. Džemala Bijedića 135, Sarajevo sa ponuđenom cijenom od 25.200,00 KM bez PDV-a i Zapisnik o pregledu i ocjeni ponuda, broj: 08-11-15-5684/25 od 07.05.2025. godine.

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, kao i ocjenu prispjele ponude shodno kriterijima iz Tenderske dokumentacije, te da je izbor izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Uzimajući u obzir naprijed navedeno, odlučeno je kao u dispozitivu ove Odluke.

**Pouka o pravnom lijeku:**

Protiv ove Odluke svaki od ponuđača koji je učestvovao u postupku nabavke može izjaviti žalbu Ugovornom organu u pisanoj formi u roku od 5 (pet) dana od dana prijema ove Odluke.

PREDSJEDNIK UPRAVNOG ODBORA

**Dostaviti:**

- Upravnom odboru
- Ponuđaču (3x)
- Službi za javne nabavke i informacione tehnologije
- Sektoru finansijskih i računovodstvenih poslova
- a/a

Dr. Senad Pešto



